

長
短
經

四

Faint, illegible text within a rectangular border, likely bleed-through from the reverse side of the page.



長短經卷第四

霸圖第十



臣聞周有天下其理三百餘年成康之隆也刑錯四十餘年而不用及其衰也亦三百餘年

太公說文王曰雖屈於一人之下

則申於萬人之上唯賢人而後能為之於是文王所就而見者六人求而見者十人所呼而友者千人友之友謂之明明之明明謂之黨黨謂之羣以此友天下賢人者二人而歸之故故五伯音更起伯者

常佐天子興利除害誅暴禁邪匡主海內以尊天子

五伯既沒賢聖莫續天子孤弱號令不行諸侯恣

行強凌弱眾暴寡

吳王問伍月曰伐楚如何對曰楚執政眾而乖莫適任患若為三師以隸之一帥至

彼必皆出彼出即歸彼歸即出楚必道弊亟隸以疲之多方以誤之既疲而後以三軍繼之必大克闔閭從之楚於是乎始病越王向踐問於大夫種曰伐吳何如對曰伐吳有七術其略云尊天事鬼以空其邪遺之好美以榮其志遺之巧工使起宮室以盡其財遺之諛臣使之易伐

長四

強其諫臣使之自殺堅甲厲兵以承其弊越王於是飾美女西施獻之

吳王吳王悅之子胥諫不受吳王誅子胥越又為榮楮鏤以黃金獻之

吳王吳王付人種之不生吳大飢齊桓公欲弱楚乃鑄錢市生鹿於楚

楚聞之喜廢耕而獵鹿桓公藏粟五倍楚足錢而乏粟桓公乃閉關楚

降者十四五及柯之盟桓公欲倍曹沫之約管仲因而信之諸侯由是

歸齊故其稱曰知與之為取政之寶也鄭桓公欲襲鄭先問鄭之豪傑良

臣辨七書其名姓擇鄭之良田貽之為官爵之名而書之因為壇塲郭

門之外而埋之豐以鷄猴之血鄭君以為內難也盡

殺之桓公因襲鄭此皆諸侯恣行天子之令不行也

田常篡齊六卿分晉並為戰國此人之始苦也

齊侯與晏子坐于露寢公歎曰美哉茲室其誰有此乎晏子曰如君之言其陳氏乎陳氏雖無大德而有施於人豆區金鐘之數其取之公也薄其施之人也厚公厚斂焉陳氏厚施焉人歸之矣

詩云雖無德與汝式歌且舞陳氏之施人歌舞之矣復世若少墮陳氏而不亡則國其國也已後果篡齊智伯從韓魏之君伐趙韓魏陰謀叛智果曰二主殆將有變不如殺之不殺則遂親之智伯日親之奈何智果二君約破趙則封二子萬家之縣各一如是則一於是強國務攻主之心可以無變智伯不從韓魏果反殺智伯

弱國務守合縱連衡馳車駁擊介胄生蟣巫人無

所告訐及至秦蠶蝨食天下并吞戰國一海內之政
壞諸侯之城法嚴政峻諂諛者眾使蒙恬將兵北
攻胡尉他將卒以成越宿兵無用之地人不聊生始

皇崩天下大叛陳勝吳廣舉於陳陳涉吳廣成漁陽屯大澤會天雨道不通

度已失期失期當斬二人乃謀曰今已失期當斬今舉大計亦死死為國可乎乃先已鬼神威眾因斬尉召令徒屬曰公等遇雨皆已失期失期當斬藉令弟無斬而戍死者固十六七日壯士不死則已死則舉大名侯王將相寧有種乎徒屬皆曰敬受命遂分將徇地自立為陳王

武臣張耳舉於趙武臣略定趙地號武信君蒯通說范陽令徐公曰臣范陽百姓蒯通也竊憫公之將

死故弔雖然賀公得通而生也徐公拜曰何以弔之通曰足下為令十年矣殺人之父孤人之子斷人之足黥人之首甚眾然而慈父孝子所以不敢傳刃公之腹中者畏秦法也今天下大亂秦政不施然則慈父孝子將爭接刃公之腹以復其怨而成其名此通之所以弔也曰何以賀得子而生也通曰趙武信君不知通不肖使人候通問其死生通見武信君而說之曰必將戰勝而後略地攻得而後取天下城臣竊以為殆矣用臣之計無戰而略地不攻而下城傳檄而千里可定可矣彼將曰何謂也臣因說曰范陽令宜整頓其士卒以守戰者也怯而畏死貪而好富者故

欲以其城先下君先下君而不利則邊地之城皆將相告曰范陽令先降而身死必將嬰城因守皆宜金城湯池不可攻矣為君計者莫如以黃屋朱輪迎范陽令使馳騫於燕趙之郊則邊城皆相告曰范陽令先下而身富貴矣必相率而降由是如坂上走丸也此臣所謂傳檄而千里定者也徐公拜遺其車馬遣通通遂以此說武臣武臣以車百乘騎二百侯印迎徐公燕趙聞之降其三十餘城如蒯通策也

項梁項梁舉吳梁令項羽殺假守通便田儵舉齊儵徙少年縛奴欲殺之以秋令因殺令舉

也景駒舉郢周市舉魏韓廣舉燕窮山通谷豪傑並起而亡秦族矣

漢高祖名邦字季姓劉氏沛國豐邑人為泗上之

亭長秦二世元年陳勝等起勝自立為楚王張耳陳餘諫曰

將軍出萬死之計為天下除害今始至陳而自立為王是示天下之私也沛人殺其令立高祖為沛公時項梁止薛

沛公往從之共立義帝范曾說項梁曰秦滅六國楚最無罪自懷王入秦不反楚人憐之故語曰

楚雖三戶亡秦必楚今陳勝首事不立楚後其勢不長今君起江東楚
鋒起之將皆爭附君者以君代代楚將為能復立楚後也梁自求懷王
孫心約曰先入咸陽者王之秦將章邯大敗項梁於定陶梁
立也

死章邯以為楚不足憂乃北伐趙楚使項羽等救趙遣
沛公別將西入關沛公遂攻宛降之沛公攻宛南陽太守呂錡保
城不下沛公欲遂西張良曰

強秦在前宛兵在後此危道也乃圍宛宛急錡欲自殺其舍人陳恢踰城見
沛公曰宛吏人懼死堅守足下盡日攻之死殞者必眾引兵而去宛必隨之足
下前失咸陽之約後有強宛之患不如降封其守引其甲卒
而西諸城未下者必開門而待足下沛公曰善封呂錡為侯
攻武關大破秦

軍趙高殺二世立子嬰遣兵拒關張良曰秦兵尚強未可輕也願益張其熾諸
山上為疑兵令酈食其持重寶啗秦秦將果欲連和俱西沛公欲聽之良
曰此獨其將欲叛恐士卒不從士卒不從
必危不如因其解而擊之乃擊秦軍破之入咸陽與秦人約法

三章秦人獻牛酒沛公讓
不受於是人知德矣遣兵拒關欲王關中是時項羽
破秦軍於河北率諸侯兵四十萬至鴻門欲擊沛
公沛公因項伯自解于羽羽遂殺子嬰而東都彭城

立沛公為漢王王巴漢漢王不肯就國欲攻楚蕭何曰王雖
王漢之惡不猶愈於死乎且該曰天
漢其稱甚美夫能屈於一人之下則申於萬人之上湯武是也願
大王王漢中撫其士人以致賢人收用巴蜀還定三秦天下可圖於

是用韓信策乃東伐還定三秦漢王之國也韓信亡楚從
入蜀無所知名數與蕭何
語何奇之薦為大將軍信拜禮畢王曰丞相數言將軍將軍何以教寡
人計策信謝因問王曰今東向爭權天下者豈非項王耶曰然信曰大

王自料勇悍仁強孰與項王比漢王默然良久曰不如也信再拜賀曰雖
信亦以為大王不如然臣嘗事之請言項王之為人項王喑啞喑啞
叱咤千人皆廢然不能任屬賢將此特匹夫之勇也項王見人恭
愛言語响嘔响嘔人有疾病涕泣分食飲至使人有功當封爵者銷印

列幣忍不能與此所謂婦人之仁也項王雖霸中國而臣諸侯不居關
中而都彭城有倍義帝之約而以親愛王諸侯不平諸侯之見項王遷
逐義帝置江南亦皆歸逐其主而以自王善地項王所過無不殘滅者

天下多怨百姓不親附特劫於威強服耳名雖為霸實失天下心故曰
其強亦弱今大王誠能反其道任天下武勇何所不誅以天下城邑封
功臣何所不服以義兵從思東歸之士何所不散且三秦王為秦將將

秦子弟數歲矣殺亡不可勝計又欺其眾降諸侯至新安項王詐坑秦
降卒三十餘萬唯獨邯欣醫得脫秦人父兄怨此三人痛入骨髓今
楚強以威而王此三人秦人莫威也大王之入武關秋毫無所害除秦苛法與
秦約法三章耳秦人無不欲得大王王秦者於諸侯之約大王當王關中關

中人戶咸知之大王失識入漢中秦人無不恨者今大王舉而東三秦可傳檄而定是漢王大喜遂聽信計初漢王之國也張良送至襄中說漢王曰王何不燒絕所過棧道示天下無還心以固項王項王意漢王乃使張良還因燒之楚以此無憂漢王之心也

田榮怨項王之不已殺田市自立為齊王羽北擊滅齊項羽以吳令鄭

昌為韓王拒漢張良遺項羽書曰漢王失職之蜀欲得王關中如約即止不敢反又以齊反書遺羽日齊欲滅楚羽以故不西行而北擊齊

而使九江王殺義帝於郴漢王為之縞素發喪臨

三日以告諸侯董公說漢王曰臣聞順德者昌失德者亡兵出無名事故不成故曰明其為賊敵乃可服項王為無

道放殺其主天下之賊也夫仁不以勇義不以力三軍之眾為之素服以告諸侯為此東伐四海之內莫不仰德此三王之舉也漢王曰善

漢王因項羽之擊齊率諸侯之師五十六萬東襲楚

破彭城羽聞之留其將擊齊自以精兵三萬歸擊

漢漢王與羽大戰彭城下漢王不利出梁地至虞謂

左右曰孰能為使淮南王黥布令發兵背楚留項

王於齊數月我之取天下可以萬全隨何乃使淮南

說布背楚隨何說淮南王曰漢王使使臣劾進書於大王御者

之必以楚為強可以託國也隨何曰大王與項王俱列為諸侯北面而臣事之必以楚為強可以託國也項王伐齊身自負敗築以為士卒先

大王宜悉淮南之眾身自將之為楚軍前鋒今乃發四千人以助楚北面而臣事人者固若是乎夫漢王戰於彭城項王未出齊也大王宜掃

淮南之兵渡淮南日夜會戰彭城下大王撫萬人之眾無渡淮者垂拱而觀孰勝夫託國於人臣者固若是乎大王提空名以向楚而欲厚自

託臣竊為大王不取也然大王不肯楚者以漢為弱也夫楚兵雖強天下負之以不義之名以其背約而殺義帝也然而楚王將以戰勝自強漢

王收諸侯還守滎陽下蜀漢之粟深溝高壘分卒守險乘塞楚人還兵間以梁地深入敵國八九百里欲戰則不得攻城即力不能老弱轉糧

千里之外楚兵至滎陽城卑漢堅守而不動進則不得攻退則不得解故曰楚不足恃也使楚勝則諸侯自危懼而相救夫楚之強適足以致

天下之兵耳故楚不如漢其勢易見也今王不與萬人全之漢而自託於危亡之楚臣竊為大王惑之臣非以淮南之兵足以亡楚也夫王發兵

而倍楚項王必留齊數月漢之取天下可以萬全臣請以大王提劍而歸漢王必裂地土而分天下大王又况淮南淮南必大王有也故使

臣進愚計願大王留意也淮南王曰請奉命陰許叛楚與漢未敢也使者淮南王急責英布發兵傳舍隨何直入坐楚使者上坐曰九江王

以歸漢楚何得以今發兵布愕然楚使者起何因說布曰事已構矣獨
殺楚使者無使歸而疾走漢并力乃如漢使者教於是殺楚使者因起
兵攻漢王如滎陽使韓信擊魏王豹虜之漢王問酈生

也曰栢直王曰此其口尚乳臭不能當韓信騎將馮參王曰不能當灌嬰步將
項他王曰不能當曹參在吾無患矣王乃以信為左丞相擊魏信進兵為
陳船欲渡臨晉魏聚兵距之信乃伏兵從夏陽漢遂與楚相拒

於滎陽楚圍漢王用陳平計間得出漢王急問陳平策

王骨鯁之臣亞父鍾離末之屬不過數人大王能出捐數萬金行反間
間其君臣以疑其心項王為人意思信讒必內相誅漢因舉攻之破楚
必矣漢王乃以四萬斤金與平恣其所為不問出入平既多以金縱乃

間於楚軍宣言諸將鍾離末等為項王將功多矣然終不能裂地而
封欲與漢為一以滅項氏分王其地項王果疑使使至漢漢為大牢之
具舉進見楚使即佯驚曰吾以為亞父使乃項王使也復持去以惡具進楚

使使歸具報項王項王大疑亞父亞父欲急擊漢王項王不信亞父亞
父聞項王疑乃曰天下事大定矣君王自為之願賜骸骨項王從之入
關收兵欲復東韓生說漢王出軍宛葉引項王南渡

使韓信等得集河北羽兵果引兵南渡如其策韓生說曰

信與張耳以兵數萬東下井陘擊趙破之乃報漢

因請立張耳為趙王以鎮撫其國漢王從之初趙王與

餘聞漢且襲兵之聚兵井陘口廣武君李佐車說曰聞漢將韓信涉西
河虜魏王擒夏悅新喋血關與今乃輔於張耳議欲下趙此乘勝而

去國遠關其鋒不可當臣聞千里餽糧士有饑色樵蘇後裹師不宿飽
今井陘之道車不得方軌騎不得成列行數百里其勢糧食必在後願

足下假臣奇兵三萬人從間道出絕其輜重足下深溝高壘堅營勿與戰
使前不得鬪退不得還吾奇兵絕其後野無所掠鹵不至十日而兩將
之首可致於戲下願足下留意臣之計不必為二子所會成安君不聽廣
武君廣武君策不用信聞知之大喜乃進軍擊趙破之趙之破也韓信
令軍中無殺廣武君有能生得者購千金於是縛廣武君而致戲下
者信乃解其縛師事之問曰僕欲北攻燕南伐齊何若而有攻廣武君
辭謝曰臣聞敗軍之將不可與言勇亡國之大夫不可與圖存今臣敗
亡之虜何足以權大事乎信曰僕聞百里奚居虞而虞亡在秦而秦
霸非愚於虞而智於秦用聽與不用聽也誠令成安君聽足下計若
信者亦為禽矣僕委心歸計願足下勿辭廣武君曰臣聞智者千慮

必有一失愚者千慮必有一得故曰狂夫之言聖人擇焉顧恐臣計未必足用願効愚忠夫成安君有百戰百勝之計一旦而失之軍破鄙下身死法上今將軍涉西河虜魏王禽夏悅關與一舉而下井陘不終朝而破趙二十萬眾誅成安君名聞海內威震天下農夫莫不輟耕釋耒工女不機愉衣甘食傾耳以待命若此者將軍之所長也然而眾勞卒疲其實難用今將軍欲舉倦弊之兵頓燕堅城之下欲戰恐不得攻城不能拔情見勢屈曠日糧竭而弱燕不服齊必踣境以自強也燕齊相恃而不可下劉項之權未有所分也若止者將軍之短也臣愚竊以為過矣故善用兵者不以短擊長而以長擊短韓信曰然則何用廣武君曰方今為將軍計莫如案甲休兵以鎮趙撫其孤弱百里之內牛酒已至以饗士大夫驛兵北首燕路而後遣辯士奉咫尺之書暴所長於燕燕必不敢不聽燕以從使諠告者東告齊齊必從風而服雖有智者亦不知為齊計矣如是則天下事可圖也兵固有先聲而後實者此之謂也韓信曰善從其策發使燕齊從風而靡也

十二月漢王拒

楚於成皐真子師欲復戰郎中鄭忠說曰王高田聖深壁勿與戰使劉西員佐彭越入林垓地焚其積聚破楚師必矣項羽乃東擊彭越留曹無咎守成皐時漢數困滎陽成皐計欲捐成皐以東屯鞏洛以距楚用

長四

六

鄭生計復守成皐

鄭生說曰臣聞知人之天者王事可成不知人之天者王事不可成王者以人為天而人以食

為天夫敖倉天下轉輸久矣臣聞其下乃有藏粟甚多楚人拔滎陽不堅守敖倉乃引而東今適卒東守成皐此乃天所以資漢也方今楚易取而漢反却自奪使臣以為為過矣且兩雄不俱立楚漢久相持不史百姓騷動海內搖蕩農夫釋耒工女下機天下之心未有所定願足下急復進兵收滎陽據敖倉之粟塞成皐之險杜太行之路拒飛狐之口守白馬之津以視諸侯効實刑制之勢則天下知所歸矣今燕趙已定唯齊未下今田廣據千里之齊田間將二十萬之眾軍於歷城諸田宗強負河阻海濟南近楚人多變詐足下雖遣數十萬師未可以歲月破也臣請得奉明詔說齊王使為漢而稱東藩上曰善乃從其畫復守敖倉而使鄭生說齊王曰王知天下之所歸乎王曰不知也曰王知天下之所歸則齊國可得而有也若王不知天下之歸即齊國未可得保也齊王曰天下何歸鄭生曰天下歸漢王曰先生何以知之鄭生曰漢王與項羽戮力西向擊秦約先入咸陽者王之漢王先入咸陽項王負約不與而王之漢中項羽遷殺義帝漢王聞之起蜀漢之兵擊秦三秦出武關而貴義帝之喪收天下之兵立諸侯之後降城即以侯其將得賂即以分其士與天下同其利英豪賢才皆樂為之用諸侯之兵四面而至蜀漢之粟方船而下項王有背約之名殺義帝負於人之功無所記於人之罪心不忘戰勝而不能得其賞拔城而不得其封非項氏莫能用事為人刻印而不能授攻城得賂積財而不能賞天下叛之賢才怨之而莫為用故天下之士歸於漢王可坐而策也夫漢王發蜀漢之三秦涉西河之水授上黨之兵下

井陘之路誅成安君之罪北破魏舉二十三城此蚩尤之兵非人力也天之福也今已據敖倉之粟塞成臯之險守白馬之津杜太行之坂拒飛狐之口天下後服者先亡矣王疾先下漢王齊國社稷可得而保也不下漢王危立立可待也田廣以為然乃聽酈生說罷歷下兵守淮陰侯乃夜渡兵革平原蕭齊齊王烹酈生引兵東去初酈生見沛公沛公方偃牀使兩女子洗足而見酈生酈生入則長揖不拜曰足下欲助秦攻諸侯耶且欲率諸侯破秦耶沛公罵曰豎儒天下同苦秦久矣故諸侯相率而攻秦何為助秦攻諸侯乎酈生曰必欲聚徒合義兵誅無道之秦不宜偃見長者於是沛公輟洗足起而謝之羽初東囑曹咎曰漢即挑戰慎勿

與戰勿令漢得東而已咎乃出戰死漢王遂進兵取成臯

漢挑曹咎戰楚軍不出使人辱之數日咎怒渡兵紀水上士卒半渡擊破之盡得楚國寶貨

羽聞咎破

乃還軍廣武間為高壇置太公於其上漢王遣侯公說羽求太公羽乃與漢約中分天下割鴻溝以西為漢以東為楚歸漢王父母及呂后項王解而東漢王欲西張良曰今漢有天下太半而諸侯皆附楚兵疲

食盡此天亡楚之時不如因其東而取之漢王乃追

羽與齊王韓信魏相彭越期會擊手楚皆不會用張

良計信等皆引兵圍羽垓下遂滅項氏

漢王問張良曰諸侯不從奈何

良曰楚兵且破未有分地其不至固宜君王能與共天下可立致也齊王信之言非君王意信亦不自堅彭越本定梁地始君以魏豹死越得拜為相國今豹死越亦望王而君王不早定今能取睢陽以北至穀城以王彭越從陳以東傳海與齊王信信家在楚其意欲復得故邑能出捐此地以許兩人使各自為戰則楚易敗於是漢王發使使韓信彭越劉賈等皆引兵圍羽垓下

都洛陽用婁

鄙策徙都長安

婁鄙說上曰陛下都洛豈欲與周室並隆哉上曰然鄙曰陛下取天下與周室異周之先自后

稷堯封之於郟積德累善十有餘世公劉避桀居邠大王以戎狄故去邠杖馬箠居岐國人爭歸之及至文王為西伯斷虞芮之訟始受命呂望伯夷自海濱來歸之武王伐紂不期而會孟津之上者八百諸侯皆曰紂可伐矣遂滅殷成王即位周公之屬傳相焉乃營成周洛邑以此為天下之中也諸侯四方咸納職貢道理均矣有德則易以王無德則易以亡凡居此者欲令周務以德致人不欲依阻險今後世驕奢以虐人也及周之盛時天下和洽四夷向風慕義懷德附離而並事天下不屯一黍不戰一士四夷大國之民莫不賓服照効其貢職及其周之衰

也分而為兩三天下莫朝周不能制非其德薄形勢弱也今陛下起豐擊沛收卒三千人以足徑往而卷蜀漢定三秦與項藉戰於滎陽爭成臯之口大戰七十小戰四十使天下之民肝腦塗地父子暴骨於中野不可勝數哭泣之聲未絕傷吏之者未起而欲北隆於成康之時臣切以為不侔矣且夫秦地被山帶河四塞以為固卒然有急百萬之眾可拒此所謂天府也陛下入關而都之山東雖亂秦之故地可全而有夫與人關不益其喉而拊其背未能全勝也今陛下入關而都長安業秦之故地此亦益天下之喉而拊其背高祖以問羣臣羣臣皆曰山東人爭王周曰周王七百年秦二世即滅不如都洛陽洛陽東有成臯西有崤函背河向伊雒其固亦足恃也留侯曰洛陽雖有此固其中小不過數百里地薄四面受敵此非用武之國也夫關中左崤函右隴蜀沃野千里南有巴蜀之饒北有胡苑之利阻三面而守獨一面東制諸侯諸侯安定河渭漕輓天下足以西給京師諸侯有變順流而下足以委輸此所謂金城千里天府之國也於是高帝即日駕西都關中

告楚王韓信反用陳平計擒之廢為淮陰侯

高帝問曰丞發兵坑豎子耳高帝默然問陳平平曰人上書言信反人有聞知者乎曰未有曰信知之乎曰不知平曰陛下精兵孰與楚上曰不能過平曰陛下將用兵有能敵韓信乎上曰莫及也平曰今兵不如楚精兵將又不及而舉兵擊之是趣戰也切為陛下危之上曰為之奈何平曰古者天子巡狩會諸侯南方有雲夢陛下弟出偽遊雲夢會諸侯於陳楚之西界信聞天子以好出遊其勢必郊迎謁而陛下因擒之此時

長四

一力士之事高帝以為然發使告諸侯上因隨行信果迎道中帝預具武士見信即執縛之田正月賀上曰甚善陛下得韓信又治秦中秦形勝之國帶河阻山懸隔千里執戟百萬秦得百二焉地勢便利其以下兵於諸侯驛猶居臺之上建瓴水也夫齊東有琅邪即墨之饒南有太山之固西有濁河之限北有渤海之利地方二千里持戟百萬懸隔千里之外齊得十二焉此東西秦也非親子弟莫可使王齊者上曰善賜金五百斤

陳豨為代相與韓信王黃等反豨自立為代主上自往破之

高祖赦趙代吏人為豨所誣者趙相秦斬常山守尉曰常山北二十五城豨反亡其二十城上問曰守尉反乎對曰不反上曰是力不足也赦之復以為守尉上既至邯鄲喜曰豨不南據漳水北守邯鄲吾知其無能為也問周昌曰趙亦有壯士可令將者乎對曰見有四人四人謂上慢罵曰豎子能為將乎各封之千戶以為將左右諫曰從入蜀漢伐楚功未徧行今此何功而封上曰非爾所知也陳豨反邯鄲以北皆豨有也吾以羽檄徵天下兵未有至者今唯獨邯鄲中兵耳吾乎愛四千戶不封此四人以慰趙子弟心皆曰善於是上曰陳豨將誰也曰王黃易方丘臣皆故賈人上曰吾知之矣乃各以千金購黃臣等其黃臣等麾下授購賞皆生得以固陳豨軍遂敗初韓信知漢畏惡其能與陳豨謀反高帝自將擊豨信稱病不從行欲從中起信舍人得罪信囚之欲殺舍人弟告信反狀於呂后呂后欲召恐其黨不就乃與蕭相國謀詐令人從上所來言豨已死矣列侯群臣皆賀相尉他王南國詐信曰雖病強入賀信入呂后使武士縛信斬之長樂官矣

越反高祖使陸賈賜尉他印綬為南越王令稱臣奉

漢約陸生至南越尉他雖髻箕踞見陸生陸生因進說曰足下中國

越與天子抗衡為敵因禍且欲及身矣且夫秦失其政諸侯豪傑並起

唯漢王先入關據咸陽項王背約自立為西楚霸王諸侯皆屬可謂至

強然漢王起巴蜀鞭笞天下制諸侯遂誅項羽滅之五年開海內平定

此非人力天之所建也天子聞君王南越不助天下誅暴逆將欲移兵

而誅王天子憐百姓新勞苦且休之遣臣授君王印綬剖符通使君王

宜郊迎北面稱臣乃欲以新造未集之越屈強於此漢誠聞之掘王先

人塚夷王種宗族使一偏將將十萬眾以臨越越則殺王以降如反覆

手耳於是尉他蹶然起謝陸生卒拜尉他而還初南海尉任囂病且死

召龍川令趙他謂曰聞陳勝作亂豪傑叛秦相立番禺負山險阻南海

東西數千里頗有中國人相輔此一州之主也可以立國即以他行南海

尉事置死他移檄告諸郡曰盜兵即至急絕新道聚兵自守高祖在

因稍以法誅秦所置長吏以其黨為假守自立為南越武王

位十二年崩年六十二惠帝立吕后臨政吕后時陳平

生曰何念之深也平曰生揣我何念陸生曰足下位為上相食三萬戶

侯可謂極富貴無欲矣然有憂念不過患諸吕少主耳平曰然謂之奈

何陸生曰天下安注意於相天下危注意於將將相和則士預附士預附天下雖有

變則權不分權不分為社稷計在兩君掌握耳何不交歡太尉深相交結平用其

計竟誅諸吕初吕后之崩也大臣誅諸吕吕祿為將北軍太尉九不得入北軍

時驪商子寄与吕祿善於是乃使人劫驪商其子結吕祿信之故與出遊

而太尉乃得入景帝時吳楚反征平之帝使太尉周亞夫東

擊吳楚亞夫問父客

鄧都尉曰策將安出客曰吳兵銳甚難爭鋒楚兵輕不能持久方今為將

軍計莫若引兵東壁昌邑以梁饒吳吳必盡銳攻之將軍深溝高壘使

輕兵絕淮泗口吳糧道絕使吳梁相弊而糧食竭乃以全制其極破吳必矣條侯

曰善困請上曰楚兵剽輕難與爭鋒願以梁饒之絕其糧道乃可制也

上許之亞夫至滎陽吳方急攻梁梁急請救亞夫引兵東北走昌邑深壁

而守梁王使使請亞夫夫守便宜不往堅不出而使弓高侯等屯吳楚

兵後絕其餉道吳楚兵乏糧飢欲退數挑戰終不王

吳楚既餓乃引兵而去亞夫出精兵追擊大破吳也

崩太子徹立

是為武帝崩子勿立是為昭帝霍光輔政上官桀害光寵詐為帝兄燕

武帝崩子勿立王且上書稱光行上林稱蹕又私調校尉帝不信而上官

傑詐僞事崩立武帝孫昌邑王賀賀昌邑哀王驁之子即位

果發伏誅崩立武帝孫昌邑王賀二十七日事有千一百二

十七條霍光廢

賀為海昏侯也廢立武帝曾孫詢是為宣帝帝

崩立太子

是為元帝崩立太子敖是為成帝委政諸舅王鳳等同日拜鳳

也崩立高且帝孫定陶恭王子欣是為哀帝即位

崩立帝弟中山

六年崩無嗣

崩立帝弟中山

孝王衍

是為平帝帝年幼為王莽所翫崩立宣帝玄孫嬰是為孺子莽廢嬰自立

偽新室王莽者

成帝舅王曼之子元帝王皇后之姪也元帝崩成帝

即位以元舅鳳為大司馬兄弟五人皆為侯

元帝皇后魏郡王禁之女生成帝時

鳳秉政同日封兄弟五人為五侯

曼早卒鳳將薨以莽託太后

太后莽之姑也封為新

都侯五侯競為僭起治第舍莽幼孤貧獨折節恭謹

當世名士多為莽言上由是賢之拜為侍中

莽交結將相收贍名

士賑施賓客故虛譽隆洽傾熾其諸父矣

時成帝廢許后立趙飛鸞飛鸞女

弟為昭儀昭儀立後宮皇太子帝無嗣乃立定陶王忻

為皇太子

忻者宣帝孫成帝弟之子初王祖母傅太后陰為王求為漢嗣私事趙皇后昭儀及帝舅王鳳故勸立之

莽

以發定陵侯淳于長大女拜為大司馬

初長與許皇后姊嬖私通因嬖賂遺

長長許欲自上為左皇后時王根輔政久病長嘗代根莽心害長寵白根曰長與許貴人私交通見將軍久病私喜根怒令莽白長長下獄死

長四

十

時年三十八成帝崩哀帝即位立皇后傅后

后即帝祖母定

陶恭太后從女弟也

封后父傅晏為孔鄉侯帝母丁后曰恭皇太后

舅丁明為安陽侯莽乞骸骨避丁傅也哀帝崩時

莽以侯在弟太皇太后令莽備佐喪事

太皇太后元帝皇后也復為大

司馬徵立中山王為帝

即平帝帝名衍為中山王即孝王子也

太皇太后臨朝

莽秉政百官恟己以聽於莽

附順者拔擢忤恨者誅滅以王莽王邑為腹心甄豐甄邯王敢手

斷平晏典樞機劉歆典文章孫建為爪牙皆以才能並任顯職莽色厲而言方欲有所偽徵見風采黨與百姓而顯奏之莽因固讓示不得已

上以感太后下以耳信於眾庶越常氏重譯獻白雉一黑雉

平帝崩

莽徵宣帝玄孫廣成侯子嬰立之年三歲遂謀居攝

如周公故事

時元帝統絕宣帝曾孫五人莽惡其長者託以卜相宜吉乃立嬰也

東都太守翟

義反敗死

義丞相方進子也立劉信為天子也

莽自謂威德遂盛獲天人

之助用銅匱符命遂即真

梓權人素女章上銅匱符命

其九年赤眉賊

起一琅邪女子呂母為子報仇

十四年世祖起兵與王匡等共立

劉聖公為更始皇帝

更始即世祖族兄世祖及兄伯昇與新市平林兵士王匡等合軍攻棘陽

莽遣

王尋王邑擊更始二公兵敗于昆陽漢兵遂入城中

人皆降莽走漸臺藏於室中北隅間校尉公孫賓就

斬莽遂傳首詣更始于宛

世祖光武皇帝諱秀字文叔南陽蔡陽人高皇帝

之九代孫也王莽末天下連歲災蝗一夜盜連歲蜂起

莽末南方飢饉人民羣入野澤掘食其而食更相侵奪新市人王匡為平理爭訟遂推而為渠帥時劉玄避吏平林

時劉玄避吏新

野因賣穀宛宛人李子通以圖讖說世祖

通父守好讖記通素聞守說云劉氏

復與李氏為輔私嘗懷之及下江新市兵起通弟軼乃共計議曰今四方擾亂新室且亡漢當更興南陽宗室獨劉伯昇兄弟夙愛容眾可與

長四

十一

謀大事矣曰吾意也會世祖避事在宛通開之即遣軼迎世祖遂相約

結末世祖與伯昇等晨俱之宛與穰人蔡基少公等讖語少公頗學

圖讖言劉秀為天子或曰是國師劉秀乎世祖笑曰何用知非僕耶坐

者皆大笑晨心獨喜後因謂世祖曰王莽殘暴盛夏斬人此天亡之時

往時之會宛語獨當應耶世祖笑及漢兵起伯昇晨遂往從之世祖於是與通弟李軼起於宛兄

伯昇起於春陵鄧晨起新野會眾兵擊李長聚新市人王匡

等立劉聖公為天子而害伯昇

劉立字聖公世祖族兄也避吏于平林王匡等立之初伯昇自

王莽篡漢帝憤憤懷匡復社稷之慮不事家人之居業傾財破產交結天下雄俊王莽末盜賊羣起伯昇召諸豪傑計議於是使親客鄧晨起

新野世祖李軼起於宛伯昇發春陵子弟七八千人部署賓客自稱柱天都部使劉嘉誘新市平林兵王匡陳收等合軍而進屠長聚諸將議

立劉氏以從人望豪傑咸欲歸伯昇而新市平林將帥樂放縱憚伯昇威明貪聖公懦弱先定策立之然後召伯昇示其議伯昇曰諸將軍欲

尊立宗室德甚厚焉愚鄙之見竊有未同今赤眉起青徐眾數十萬聞南陽立宗室恐赤眉復有所立如此將內自爭今王莽未滅而宗室相攻是疑天下而自損權非所以破莽也且首兵唱號鮮有能遂陳勝項羽即其事也春陵去宛三百里耳未足為功而遽自尊立為天下准的使後人能承吾業非計善者也今且稱王以號令若赤眉所立者賢則相率而往從之若無所立破莽除赤眉然後舉尊號亦未晚也願善詳思之諸將不從

遂立聖公由是豪傑失望伯昇都部將劉猷勇冠三軍聞更始立怒曰
本起兵圖大事者劉伯昇兄弟也更始何者耶更始君臣聞而心忌之
乃陳兵數千收稷將誅之伯昇固爭李軾朱鮪因勸更始并執伯昇即
日害之李軾與世祖既隙後因馮公孫致密書求劫誠節式勸秘之世
祖乃璆露軾書曰李文季多詐不信人也今號更始元年更始使
移其書告守尉書既宣露朱鮪使人殺軾也

世祖為偏將軍徇昆陽王莽聞漢帝立大懼遣大司

徒王尋大司空王邑將兵百萬擊世祖於昆陽世祖破

之初伯昇拔宛已三日而世祖尚未知乃偽使人持書報城中宛下兵
到而伴墮下其書尋邑得之不喜諸將既經累捷膽氣益壯無不一

當百世祖乃與敢死者三千人從城西出衝中堅尋邑陣亂乘銳之
遂殺王尋莽莽兵大潰走者是相騰踐奔殪百餘里間會大雷風雨飛如

注陸水盛溢虎豹皆戰慄溺
死者以萬數水為之不流三輔直家傑共誅王莽傳首詣宛

更始以世祖行大司馬事持節北渡河鎮尉州郡策

北渡河追世祖世祖見禹甚歡謂曰我得專封拜先生遠來寧欲任乎禹
曰不願也明公威德加於四海禹得按其尺寸垂功名於竹帛耳世祖
笑因留宿禹進說曰更始雖都關西今山東未安赤眉青犢之屬動以
萬數三輔假號往往羣聚更始既未有挫而不自警當詰新皆虜人

屈起志在財帛爭用威力朝夕自使而已非有忠良明智深慮遠圖欲
尊主安人者也四方分崩離析形勢可見明公雖建蕃輔之功猶恐未
可成立於今之計莫如延覽英雄務悅人心立高祖之業救萬人之命
以公而慮之天下不足定也世祖大悅及從至廣阿披輿地圖指示禹
曰天下郡國如是今始得其一子前言以吾慮之天下不足定何也禹
曰今海內散亂人思明君猶赤子之慕慈母也古之興者在德厚薄不
可以小大世祖笑悅又馮異說世祖曰人思漢久矣今更始諸將縱橫
暴虐所至虜掠百姓失望無所依戴今公專命方面施行恩德夫有策
紂之亂乃見湯武之功久久飢渴易為充飽宜急王郎詐為成帝

子子與立為天子都邯鄲遣使降下郡國世祖滅之

王昌一名王郎趙國邯鄲人也素為卜相常以河北有天子氣時趙繆王子
林好奇數任俠趙魏間而郎與之善初王莽篡位長安中或稱成帝子子與
者莽殺之郎緣是稱真子與云更始元年平林等率車騎數百晨入邯
鄲城立即為天子世祖進攻邯鄲郎少傅李立為反開關門內漢軍遂拔
邯鄲斬王郎收文書得人吏與郎交關謗毀上者數世祖威聲日

盛更始疑慮乃遣使立世祖為蕭王令罷兵與諸將

有功者還長安遣苗魚為幽州收韋順為上谷守並

北之郡

時世祖居邯鄲宮耿弇請聞說曰今更始失政君臣淫亂諸將擅命於畿外貴戚縱橫於都內天子之命不出城門所拜

收守輒自遷易百姓不知所從士人莫敢自安虜掠財物劫掠婦女懷金王者至不生歸元元叩心更思王莽又銅馬赤眉之屬數十輩數及

百萬聖公不能辨也其敗不久公首事南陽破百萬之軍令定河北據天府之地以義征伐發音響應天下可馳檄而定天下至重不可令他

姓得之閒使者從西方來欲罷兵不可從也今吏士死亡者多弁願北歸幽州益發精兵以集大計世祖大悅弁歸上谷斬韋順等

世祖辭不就徵斬苗魯等自是始貳於更始是時長安

政亂四方背叛皆平之

梁王劉永擅命睢陽公孫述稱王巴蜀李憲自立為淮南王秦豐自號為楚黎王張步起琅邪

董憲起東海岑延起漢中田戎起夷陵並置將帥侵略郡縣又有赤眉銅馬之屬不可勝計初銅馬降世祖猶不自安世祖知其意勅令各歸營勒兵

馬乃自乘輕騎按行步陣降者更相語曰蕭王推赤心致人腹中安得不投死乎由是悉服世祖使耿弇討張步步聞之乃使其大將費邑軍

歷下又分兵屯祝阿別於太山鍾城列營數十以待弁弁乃度兵先擊祝阿自且攻城日未中而拔之故開圍一角令其眾得奔歸鍾城鍾

城聞祝阿潰大懼遂空壁去費邑分遣其弟敢守巨里弁留兵賁巨里使多伐樹木揚言以填塞坑澗數日有降者言邑聞弁欲攻巨里謀

來救之弁乃令軍中曰後三日當悉力攻巨里城陰緩生口令得亡歸歸者以弁期告邑邑至日果自將救之弁喜謂將曰吾所以修攻具者

長四

十三

欲誘致邑耳今來適所求也即分三千人守巨里自引精兵上崗坂乘高合戰臨陣斬邑既而收首級以示巨里城中兇懼費敢悉眾亡歸

張步步時都劇使其弟藍守西安諸郡太守守臨菑相去三十里弁進軍居二城之間弁視西安城雖小而堅臨菑雖大而實易攻乃勅諸部後

五日攻西安城藍聞之晨夜警守至期夜半弁勅諸將皆蓐食會明至臨菑城出其不意半日拔之入據其城張藍懼遂將其眾士歸劇弁乃令軍

中無得委掠劇下頃張步至乃取之以激怒步步聞之大笑至臨菑攻弁弁先出臨菑水上突騎欲縱弁恐挫其鋒令步不敢進故示若弱以

盛其氣乃引歸小城陳兵於內步氣盛直攻弁營與劉韶合戰弁昇王宮懷臺望之視韶鋒交乃自引精兵以橫突步陣大破之步走降世祖

陳俊逃弁欲招其故眾赤眉賊入函關攻更始世祖乃遣鄧

禹引兵而西以乘更始赤眉之亂赤眉賊樊崇立劉盆子為天子入長安殺更始殺掠

於是諸將上尊號乃命有司設壇於鄗南千秋亭五城陌

即皇帝位

諸將上奏曰漢遭王莽宗廟廢絕豪傑憤怒兆人塗炭三与伯昇首舉義兵更始因其資以據帝位不能奉承大統而敗亂綱紀盜賊日

多群生危蹙大王初征昆陽王莽自潰後拔邯鄲北州弭定三分天下有其二跨州據七帶甲百万言武力則莫之敢抗諱文德則無所與辭臣聞帝王不可

以文曠天命不可以謙拒惟人王以社稷為計萬姓為心又經華夏自關中奉赤伏符曰劉秀發兵不道四夷雲集龍關於野四七之際大

為主然後 十月駕東幸洛陽赤眉降 大司徒鄧禹馮異劉弘等征赤眉畢曰異前與

戰拒華陰經數十日雖屢獲雄將餘眾尚多可稍以恩信傾難卒用兵破也上令使諸將颶池要其東異以擊其西一舉而取之此萬成計也

禹弘不從遂大戰赤眉佯敗奔輜重走東皆載土以豆覆其上兵士飢爭取之赤眉引還擊弘等弘等軍劇潰異與禹救之赤眉小却異歸壁

約期會戰異使壯士變服色與赤眉同伏於道側旦日赤眉使萬人攻異前部異裁出兵救之賊見勢弱遂悉眾攻異異乃縱兵大戰日昊賊

氣衰伏兵卒起衣服相亂赤眉不復識遂平隗囂滅公孫述天

驚潰赤眉君臣面縛奉皇帝璽綬降世祖 下大定崩于南宮時年六十三 世祖初起兵時年二十八 末孫靈帝用

奮人曹節等矯制誅太傅陳蕃李膺其黨人皆禁

錮中平九年黃巾賊起 鉅鹿張角自稱大賢帥奉事黃老道畜養子弟連結郡國期三月五日內

外俱起唐周告之角便起皆著黃巾為標幟也 靈帝崩太子辯即位董卓入朝因

廢帝為弘農王而立獻帝李儼逼帝東遷曹操遷

帝都許操薨帝遜位于曹丕

魏太祖武皇帝沛國譙人也姓曹諱操字孟德靈帝

時為典農校尉漢末奮豎擅權何進謀誅奮官太后

不聽進乃召四方猛將使引兵向京師欲以恐劫太后

陳琳進諫曰易稱即鹿無虞說有掩口捕雀夫物微而尚不可欺以得志況國之大事而可詐立乎今將軍物惣皇威握兵要龍驤虎視高下在

心以比行事無異於鼓洪鑪而燎毛髮但當速發雷霆行權立斷違經合道天人順之而反釋其利器更徵於他大兵一聚強者為雄所謂倒

持干戈授人以柄必無成 董卓至廢帝為弘農王而立獻帝

京師大亂太祖亡出關至陳留散家財合我兵於巴

梧與後將軍袁術異州刺史韓馥豫州刺史孔伷兖

州刺史劉岱渤海太守袁紹同時俱起眾各數萬推

紹為盟主 設壇塲共盟誓臧洪操盤血而盟曰漢室不幸皇綱失統賊臣董卓乘機縱暴害加至尊毒流百姓大懼倫喪前

覆四海兖州刺史劉岱豫州刺史孔伷等糾合義兵並赴國難凡我同盟齊心勦力以致臣節殞首喪元必無二志有渝此盟俾墜其命無克

遺育皇天后土祖宗盟靈實皆覽之洪慷慨涕泗立下聞者激揚

曹公行稱奮擊將軍卓

聞兵起乃徙天子都長安卓留兵屯洛陽司徒王允與

呂布殺卓楊奉韓暹以天子還洛陽太祖至洛陽衛

京邑暹遁走太祖以洛陽燒焚殘破奉天子都許下詔

責袁紹以地廣兵強專自樹黨不聞勤王之師

紹時并公孫瓚

兼四州紹遂攻許太祖破之官渡紹嘔血死

素紹字本初汝南人也為司隸校尉

董卓議廢立紹不聽卓怒紹懸節於上東門奔冀州卓購求紹伍瓊為

卓所信陳為紹說曰夫廢立大事非常人所及素紹不達大體恐懼出

奔非有他志今急購之勢必為變素氏樹恩四世門生故吏遍於天下

若收豪傑以聚徒眾英雄因之而起即山東非公所有也不如赦之拜一郡守

紹喜於免罪必無患矣卓以為然乃遣授詔渤海太守紹乃与孔伯等同起父

襲奪韓馥冀州據河北揀精卒十萬騎萬匹欲進攻曹操於許都授進說曰近

討公孫師徒歷年百姓疲弊賦役方殷此國之深憂也宜先獻捷天子

務農逸民若不得通乃素紹曹操隔我王命然後進屯黎陽漸營河南

益作舟舩繕治器械分遣精騎抄其邊鄙今彼不得安我取其逸如此

可坐定也郭圖審配曰兵書之法十圍五攻敵則能戰今以明公神武

連河朔之強眾以伐曹操其勢如覆手今不時取後難圖之授曰蓋

聞救亂誅暴謂之義兵恃眾稱強謂之驕兵兵義無敵驕者先滅曹操

奉定天子建官許都今舉兵相向於義則違且廟勝之策不在強弱曹

操法令既行士卒精練非公孫瓚坐受圍者也今弃萬安之術而興無

名之師竊為公懼之圖曰武王伐紂不為不義況兵加曹操而去無名

且曹公師徒精銳將士思舊而不及時早定大業所為之天與不取反

受其咎此越之所以霸吳之所以亡也監軍之計在於持勞而非見時

知機之變也紹遂不用沮授之計曹公軍官渡紹將悉眾而南田豐說

紹曰曹公善用兵變化無方眾雖少未可輕也不如以久持之將軍據

山河之固擁四州之眾外結英雄內修農戰然後簡其精銳分為奇

兵乘虛迭實以擾河南救右則擊其左救左則擊其右使敵疲於奔命

人不得安業我不勞而彼已用不及三年可坐克也今釋廟勝之策而

決成敗於一戰若不如志悔無及也紹不從遂攻操於官渡紹自引兵

至黎陽沮授臨行散其資財會宗族以與之曰勢在威無不如勢忘則

不保其身哀哉其弟宗曰曹操士馬不敵君何懼焉授曰以曹兖州之

明略又挾天子以為資我雖克伯珪眾實疲弊而主驕將汰軍之破敗

在此舉也揚雄有言六國啗啞為羸疲誰殆今之謂耶及渡河臨舟歎

曰上盈其志下務其功悠悠黃向吾將濟乎紹果為曹公之所取紹進

保武陽與操相持沮授又說曰北兵雖眾而果勁不及南南穀虛少財

貨不及北南利在於急戰北利於緩博宜修持以久曠以日月紹不從

連營漸逼官渡許攸進曰曹操兵少而悉師拒我許下餘守勢必虛弱

若分遣輕騎星行掩襲許拔則操為成擒如其未潰可令首尾奔命

破之必也紹又不能用會放家犯法審配收繫之傲不得志遂奔曹公而說操使襲取淳于瓊瓊時督軍屯在烏巢去紹軍四十里操自將急擊之時張郃說紹曰曹公兵精往必破瓊瓊破則將軍事去矣宜引兵救之郭圖曰郃計非也不如攻其本營勢必還此為不救而自解也郃曰曹公營固攻之必不拔若瓊等見擒吾屬盡為虜矣紹但遣輕騎救瓊而以重兵攻操營不能下曹公破瓊焚其積聚紹軍潰散奔北曹公遂破紹乃

太祖討紹子譚尚於黎陽尚與熙奔遼東
太祖討紹子譚尚於黎陽尚與熙奔遼東太祖

曰素紹愛此二子莫適立也有郭圖逢紀為之謀臣定聞其間還相離也急之則相持緩之則後爭心生不如南向荆州征劉表以待其變變成而後擊之可一舉而定也太祖曰善太祖方征劉表譚果與弟尚爭冀州譚遣辛毗乞降請赦太祖以問群臣群臣多以為表強宜先平之譚不足憂也荀攸曰天下方有事而表坐保江漢閒其無四方之志可知矣袁氏據四州之地帶甲十萬紹以寬得眾欲使二子和穆以守其成業則天下之難未息今兄弟構惡其勢不兩全若有所并則力全力全則圖也及其亂而取之則天下不足定也此時不可失也太祖曰善乃許譚和破秦尚

太祖征劉表會表卒子琮降
劉表字景升山陽高平人初平元年詔以表為荆州刺史南接五峯嶺北據漢川地

方數千里帶甲十餘萬曹操與表相持於官渡紹遣人求助表許之而不至亦不援操且欲觀天下之變劉先生說表曰今豪傑並爭兩

北四

十六

雄相持天下之重在於將軍將軍若有所為起乘其弊可也如其不然固將釋所宜從豈可擁甲十萬坐觀成敗求援而不能助見賢士而不能歸此兩怨必集於將軍恐不得復中立矣曹操善用兵且賢俊多歸之其勢必舉素紹然後移兵徇江漢恐將軍不能禦也今之勝計莫若以荆州附操操必重德將軍長享福祚垂之後嗣此萬全之策也表不從十三年曹操自將征表未至表疽發背卒操軍新野傅異說琮降琮曰今與諸君據全楚之地守先君之業以觀天下何為不可異曰逆順有大體強弱有定勢以人臣拒人主逆道也以新造之楚而禦中國必危也以劉備而敵曹公不當也三者皆短欲以抗王師之鋒必亡之道也將軍自料何如琮曰不若也異曰誠以備不足禦曹公即雖保全楚不能以存誠以劉備足敵曹公則備不能為將軍也願將軍勿疑琮

關中諸將馬超韓遂成宜等反曹公破之
曹公與馬超等夾關

潛遣徐晃等夜渡蒲坂津據河為營以自河北渡未濟超赴船急戰丁裴放牛馬以餌賊賊亂取牛馬公乃得渡紹營河南超遣信求割地任子以和公為許之韓遂請以公相見至期交馬上語移時不及軍事但說京都故舊拊手歡笑既罷超問遂何言遂曰無所可言超疑之他日公又與遂書多所殺滅黜道如遂改定者超愈疑遂曹公乃與戰大破之關中平諸將問公曰初賊守潼關河北道缺不從河東擊馮翊而反守潼關引日而復北渡也公曰賊守潼關若吾入河東賊必引守諸津則河西未可渡也吾故威兵向潼關賊悉眾南守西河之備虛故二將得

擅敗西河然後引軍北渡賊不能與吾爭西河者以有二將之軍連車樹柵為通道而南者既為不可勝且以示弱渡河為堅壘虜至而不出所以驕之也故賊不為營壘而求割地吾順言許之所以從其意使自安而不為備田畜士卒之力一旦擊之所謂疾雷不及掩耳卒電不及瞑目兵之乘變也天子策命公為魏王孫權稱吳王據江東劉備襲益州收劉璋據蜀天下遂三分

分二十五年薨于洛陽子丕嗣丕字子桓武帝太子也是為文帝受漢禪

崩子睿嗣睿字元仲文帝太子也是為明帝崩子齊王芳立十五年廢廢高貴

鄉公髦立七年廢常道鄉公璜立璜禪晉封為日陳留王

晉高祖宣皇帝名懿字仲達姓司馬河內溫人也仕於

魏武之世歷文明二年居將相之位平孟達達為新城太守反

滅公孫度度世稱燕王據遼東擒王陵陵謀立楚王為帝兵敗自殺魏明帝崩遺

詔使帝為太尉與大將軍曹爽輔少主少主齊王芳也帝誅

曹爽爽謀為不軌宣帝謝病避之爽黨李勝為荆州別帝帝詭為耄

以離不足虞也爽於是專恣惡太后知政遷于永寧宮嘉平元年天子

謁高陵爽兄弟權兵從出宣帝乃起奏永寧宮廢爽然後勒兵至洛水

迎天子奏爽其黨謀反皆誅宣帝崩子師伐為相師字子元是為鎮東將

軍母丘儉楊州刺史文欽反征平之儉欽初反也景帝問王肅曰安國寧主其術安

在肅答曰昔關羽率荆州之眾降于禁於漢濱遂有北向爭天下心後

孫權取其將士家屬蜀羽士眾一旦瓦解今淮南將士父母皆在州但急

往禦之使不得前必有關羽土崩之勢景王從之遂破儉等也景帝崩弟昭代為相昭字子元是為太祖

帝輔政為司空諸葛誕據壽春反奉詔征平之伐

蜀擒劉禪于時政出於權臣人君主祭而已魏帝不

能容自勒兵敗相府太祖用長史賈充計逆戰舍人

成濟執殺魏帝高貴鄉公也名髦字士彥乃偽令皇太子太祖

崩子炎受魏禪炎字子安文帝太子是為世祖武皇帝既受魏禪用羊祜杜預計

征吳平之立二十五年崩太子衷立字正度是為惠帝武帝太子惠帝不惠

妃賈充女為皇后后秉權殺楊駿廢太后賈后淫妬遇如

太后於金墉城餓殺之誅太宰汝南王亮太保衛瓘亮瓘

名德執政后意不得行乃使帝弟楚王瑋殞太子適賈后無子乃詐

楚王瑋矯詔誅亮瓘因又誅瑋用趙王倫為相國有娠養賈謚

倫惡司空張華僕射裴頠正直矯詔誅之倫遂篡

帝位於是齊王攸之子囡與帝弟成都王穎等起義兵

誅倫穎於是鎮鄴并州刺史東瀛公騰安北將軍王浚又

起兵討穎穎敗挾天子南奔洛陽後惠帝復位帝弟

長沙王又譖囡誅之由是戎狄並興四方阻亂遂分

為三十六國劉元海為匈奴質子在洛陽晉武帝與語說之謂王渾

儀實如聖言然其文武才幹賢於二子遠陛下若任之以東南之事吳

會不足平也帝稱善孔恂楊洸曰臣觀元海之才當今無比陛下若輕

其舉不足以成事若假之威權平吳之後恐其不復北渡也非我族類

其心必異任之本部臣竊為陛下寒心若與太祖之國以賢之無乃不

可乎帝默然後秦涼覆沒帝疇咨將帥李喜曰陛下誠能發劍如五

部之衆假元海一將之號鼓行而西指期可定也孔恂曰李公之言未

盡珍患之理元海若能平涼州漸樹機能恐涼州方有難耳蛟龍得雲雨

非復池中物也帝乃止惠帝失馭夜賊蜂起成都王穎鎮鄴表元海

行寧朔將軍監五部軍事及王浚等討穎元海說穎曰今二鎮跋扈衆

十餘萬恐非宿衛及近郡士衆所能禦之請為殺下還說五部衆以赴

國難穎從之元海至國左賢王劉宣等上大單于之號二旬之間衆以

五萬遂寇平陽陷之入蒲于時五胡亂中原矣石勒者上黨鞏胡也據

於趙幽州之牧王浚署置百官勒有并吞之意欲先發使以觀之議者

僉曰宜如羊祜陸抗之事元書相聞時張賓有疾勒就而謀之賓曰王浚

假三部之力圖稱南面雖曰晉藩實懷潛逆之志必思協英雄圖濟事

業將軍威振海內去就為存亡所在為輕重浚之欲將軍猶楚之招韓

信也今權譎遣使無誠款之形脫猜疑固之兆露後雖奇略無所設也

夫立大事必先為之卑當橋藩推奉尚恐不信羊祜之事巨未見其可也

勒曰君侯之計是也乃遣其舍人王子春賈珍寶奉表推崇浚浚謂子

春曰石公一時英武據有舊趙成鼎峙之時何為稱藩於孤其可信乎

子春曰石將軍英才俊拔士馬威強實如聖旨仰唯明公州郡貴望累

葉重光出鎮藩岳威聲播於八表固以胡越欽風戎夷歌德豈唯區區

小府而敢不斂衽神闕者乎昔陳嬰豈其鄰王而不王韓信薄帝而不

帝哉但以帝王不可以勇致力爭故也石將軍之擬明公猶陰精之比太

陽江河之比洪海耳項藉子陽覆車不遠是石將軍之明鑒也明公亦何怪乎自古誠胡人而為名臣者實有之矣帝王則未之有也石將軍非以惡帝王而讓明公也顧取之不為天下所許也願公勿疑浚大悅遣使報勒勒復遣使奉表于浚期親詣幽州上尊號亦修牋于秦嵩乞并州收廣平公以見必信之誠勒纂兵戒期襲浚而懼劉琨及鮮卑為其後患沉吟未發張賓曰夫龍馭國當出其不意軍嚴經日不行豈顧有三方之慮乎勒曰然為之奈何賓曰王彭祖之據幽州唯杖三部今皆離叛還為寇讎此則外無聲援以抗我也幽州飢儉人皆蔬食眾叛親離甲旅寡弱此內無強兵以禦我也若大軍在郊必土崩瓦解今三方未謂將軍使能懸軍千里以征幽州也輕軍往反不出二旬就使三方有動勢足旋趾宜應機電發勿後時也且劉琨王浚雖同名晉藩其實仇敵若修牋於琨送質請和琨必欣於得我喜於浚滅終不救浚而襲我也勒曰善於是輕騎襲幽州勒晨至朔北門叱門者疑有伏兵先驅牛羊數千頭聲言上禮實填諸街巷使兵不得發勒入浚乃懼勒入其廳事令甲士執浚送于襄國市

惠帝立十四年崩弟豫章王熾立

字豐斬之此三十六國之大略也

都長安為胡賊所殺

後魏詔跋氏以晉懷帝永嘉三年自雲中入雁門北有沙漠南據陰山眾數十萬至

度是為懷帝孝文乃之拓跋為元氏都洛陽肅宗崩大都督爾朱榮謀立莊帝榮害靈太后及王公二千人立莊帝帝殺爾朱榮左僕射爾朱世隆率榮部曲自晉陽襲京城執莊帝殺之而立恭帝又廢之高歡乃知廣平王子修後為斛律斯椿所廢走入關周太祖宇文黑獺奉帝都長安披草葺

長四

十九

立朝廷是為西魏詔授宇文黑泰為丞相泰又害出帝立南陽王寶炬是為文帝文帝崩立王子朗為帝又廢之而立恭帝泰為太師泰薨子覺嗣封周公魏帝禪位于覺覺黑泰第三子受禪國號周至宣帝崩禪于隨初爾朱世隆之殺莊帝也高歡為晉州刺史起兵誅之立魏出帝歡為丞相後魏既西入關乃立清河王之子善見為帝遷都鄴是為東魏高歡薨子齊王洋受東魏禪國號齊至溫公偉為周所滅周又為隨所滅隨文帝既受周禪又南滅陳天下一統矣

懷帝崩立吳王晏

晏字子業是為敏帝敏帝亦為

胡賊所殺

此時胡亂中原晉元乃遷都江左也

中宗元皇帝睿乃興於江東

睿字景文宣帝曾孫也元帝幼而聰敏及中原喪亂乃與王敦等渡江縵

撫江左甚得眾心後王敦於武昌反至石頭帝攻之不克乃委政於敦敦還鎮武昌帝在位十六年崩太子紹

立紹字道徽是為王敦威振內外將謀為逆肅宗征破之

用溫嶠等決計征之初敦之謀反也溫嶠為其從事中郎夙夜綜其府事偽相親善京兆尹段熲說敦曰宜自樹腹心以聞搆人主愚謂錢鳳何用敦曰莫若君嶠為辭讓臨別之際自嶠起行酒嶠為醉以手板擊錢鳳憤憤為之憤乃作色曰錢世儀何人溫太真自行酒而敢不飲鳳不悅以醉為解明日嶠將發鳳說敦留之敦曰嶠常云錢世儀精神三年肅宗崩滿腹昨小加聲色豈得以此相讒耶嶠至都陳敦反逆狀

至孝帝昌明立簡文帝第三子叛賊符堅寇淮南晉

冠軍將軍謝玄等大破堅于淝水符堅以百萬之眾至淝水謝玄乃選勇士八千人修渡淝水玄遣使

謂堅曰阻水為陣曠日持久請小却與君周旋秦諸將聞前軍唱却謂已失利宋序之徒聲云堅敗大軍退自相填籍聞風聲鶴唳皆曰南軍至也遂大敗

堅還長安符堅因此卒亡滅也二十一年帝崩自後遂于戈相繼至安

帝為桓玄所篡宋祖劉裕平玄至恭帝遂禪于宋

高祖武皇帝姓劉名裕字德興彭城人桓玄篡晉偽

桓玄字敬德譙國龍亢人也形貌特為江州刺史襲殺荆州刺史庾仲堪會稽王世子元顯專政以玄跋扈遣軍征之玄聞見討即率眾下至京師殺元顯詔以玄為丞相封楚王遂禪位高祖與劉毅何無忌等潛謀匡復

起兵平玄時桓玄使桓弘鎮廣陵劉道規為弘中兵參軍今道規襲毅道規等既襲廣陽斬桓弘以其眾南渡高祖何無忌襲京師斬桓循率二州之眾千二百人進舍竹里移檄京師曰夫成敗相因理不常奉

校焉縱虐或值聖明自我大晉屢遘陽九之厄隆安已來皇家多故貞良斃於豺狼忠臣碎於虎口逆臣桓玄敢肆凌慢阻兵荆郢亟暴都邑

天未亡難凶力寔繁踰年之間遂傾皇祚主播越流幸非所神器既辱七廟隳墜雖夏后之羅沒豈有漢之遭莽卓方今於玄未足為喻自立

篡逆于今歷載彌年元早民不聊生士庶病於轉輸文武困於版築室家分非父子乖離豈唯大東有杼軸之悲標梅有傾筐之怨而已哉仰觀天文俯察人事此而可存孰有可亡凡在有心誰不扼腕裕等所以扣心泣血不遑啓處夕寐宵興思獎忠烈潛構崎嶇過於履虎乘機奮發義不圖全輔國將軍劉毅廣武將軍何無忌等忠烈斷金精誠貫日

獲已遂物軍要庶上帶祖宗之靈下罄義夫之力翦讎逋逆盪清華夏公侯諸君或世樹忠貞或身寵爵祿而並俛眉聳豎無由自効顧瞻周道寧不弔乎今日之事良其食也裕以虛薄才非古人受任於既傾之

運勢接於已踐之機丹誠未宣感憤填激望霄漢以永懷顧山川而增佇投擲之日神馳賊廷何無忌之辭也桓玄使桓謙屯東陵下籤之屯

覆舟山義軍朝食并其餘進造覆舟山東今贏兵登山多張旗幟布滿山谷高祖率眾奔之土皆殊死戰謙軍一時潰走玄挾天軍躬

走江陵玄將入蜀奔至牧四州逢益州參軍費恬之黨射殺之奉天子

反正因居將相之任封豫章郡公蜀賊譙縱稱王高祖遣將

征平之高祖使朱齡石率眾二萬自江陵伐蜀高祖誠曰劉劭先往

至廣武無功而退今者師出應道青衣賊料我由出其不意復

然內水如此則倍城之成式必有重兵若逼廣武正隨其計今軍自外

不出取城都疑兵向廣武此制敵之上策為書於瓦署日白帝發諸將

雖行未知所趨及次白帝乃發書言眾軍悉由外水臧喜自中水出廣陵使羸弱乘高檻千餘向廣武譙縱果譙道福重兵守涪城朱齡石謂次鍾摸拒成都二百里譙縱大將侯暉等屯平摸朱齡石謂劉鍾曰天方暑熱賊今固險攻之難拔祇困吾師欲畜銳息甲旬隙而進卿以為何如鍾曰而然前揚聲言大眾由內水故譙道福不敢捨涪今重兵卒出其不意侯暉之徒已破膽矣暉之阻兵非堅壁也因其懼而攻之其勢易克平謀鼓行而前成都不能守矣緩兵相持虛實將見涪軍復來難為敵也若進不能戰退無所資二萬餘人同為蜀子虜矣從之明日遂攻皆克斬侯暉於是遂進克諸城諸城守相次互解縱自縊而姚泓僭號於西京高祖征平之擒泓

高祖既滅秦入長安而還江南時赫連都統萬人聞之大悅謂王買德曰朕將進圖長安卿試言進取之方略買德曰劉裕滅秦所謂以亂未有德政以濟蒼生關中形勝之地而以弱才小智而守之非經遠之規狼狽而反者欲連成篡事無勝有意於京師陛下以順伐逆義貫幽顯者以君命望陛下旗鼓以日為歲清泥上洛南師之要衝宜致遊軍斷其去東之路然後度潼關塞峭陁絕其水陸之道聲擢長申布恩澤三輔之人皆壺漿以迎王師矣義真獨坐空城逃竄無所一旬之間必見縛於麾下所謂兵不血刃不戰而自定也勃勃善之南伐長安高祖懼召義真東鎮洛陽以朱齡石守長安長安人逐鮮卑慕容超據守青州稱燕

王高祖征擒超 初超叔父德盜有三齊德死超襲其位遂寇淮北高祖將有事時華因其侵也乃北伐超大將軍公孫

長四

二十一

五樓說超曰吳兵輕銳難與爭鋒截斷大峴使不得入上策也堅壁青野芟除粟麥中策也據城待戰下策也超曰引使過峴我以鐵騎攔之成擒矣何據青野自取感弱乎初謀是役也諫者曰賊若不嚴守大峴則堅壁廣固守而不出軍無所資何能自支高祖曰不然鮮卑性貪略不及遠既幸其勝且愛其穀謂我孤軍將不及久必將引我且示輕戰師一入峴吾所患焉既逾峴虜軍未出高祖喜曰天贊我也眾曰軍未克公何悅焉高祖曰師既過險士有必死之志餘糧棲畝軍無匱乏之憂虜墮吾計勝可必也六月慕容超使五樓據臨朐羸老守廣固聞軍近超亦會焉拒臨朐四十里有巨葦水超使五樓往據之曰晉軍得水則難敗也五樓馳進前鋒蓋龍符奔就爭先得據之五樓退大軍有四千人分為兩翼方軌徐進未及臨朐賊騎交至龍符等拒之日向側戰猶酣高祖謂檀韶等曰虜之精兵悉於是矣臨朐留守必將寡弱子以潛軍逾其後往必剋城多易旗幟此韓信所以剋趙也且吾前言兵自海道往必聲之韶等行鼓而進賊望曰海軍至超奔城走遂剋之軍聞城陷懼而不敢動高祖親鼓士卒咸奮奮大奔崩之超奔廣固進軍圍之城陷獲賊盧循據南海因高祖北伐燕超歸于京師斬于建康市

乘虛下龍建業高祖還乃平之劉毅據荊州貳於高

祖高祖遣將征誅毅 裴子野曰義旗同盟莫有能全其功名者

艱難彼則褰裳濡足唯利是規我則披髮羣醜寧或負人劉希樂諸葛長民皆人傑也豈可暗于天命亦勢使然與假其何孟齡長庸詎其有血食

善哉武王之作周也八百諸侯皆同會曰紂可伐矣尚還師於盟津豈不知順人行戮惡欲速多禍也高祖東方之師疾則疾矣而僥倖之累於此乎繁鳴呼仁義之弊

荆州刺史司馬休之反征之裴子野曰書

動動惟厥時若司馬休之之動非其時天方厭晉因敢知去已雖得衆能違天乎五運推移無不亡之國為廢姓處亂朝賢若三仁且猶顛沛而况豪俠者哉昔中原殄滅衣冠道盡于時四海爭奉中宗豈徒繫於晉德實大有禮義故能遂兼南國其興也勃焉至于義熙不欲異於是矣而宗室交流未忘前事波迸越逸禍敗相尋豈龕黎

晉帝加高祖之位相國摠百揆揚州牧封十郡為宋公晉安帝崩大

司馬瑯琊王即位徵帝入輔禪位於宋帝奉表陳讓表獲不通宋臺臣勸進

猶不許太史令路造陳天文符應曰安晉義熙元年至元熙元年太白書見經天凡七占曰太白經畫天人更主異姓興義熙七年五虹見于東方占曰五虹見天子黜聖人出十年鎮星歲星太白熒惑聚于東井十三年鎮星入太微占曰鎮星守大微有立王有徙王元熙元年黑龍四突于天易傳曰冬龍見天子亡社稷大人受命漢建武至建安末一百七十六年而禪魏魏自黃初至咸熙末四十六年而禪晉晉自太始至今百五十六年三代揖讓咸窮於六

永初元年六月丁卯即帝位於南郊設

壇柴燎告天禮畢備法駕幸建康宮臨太極前

殿大赦改元在位三年崩初大漸召太子誠之日檀道濟雖有

異圖謝晦常從征伐頗識機變若有同異必此人也可以會稽處之後皆如言也

立太子義符是為榮陽王即位昏

亂司空徐羨之輔廢立宜都王義隆是為文帝帝高祖第二子為太子劭所煞初劭及

弟濬並多乖禮度懼上知乃為巫蠱呪詛帝聞之大怒將廢劭而煞濬更議所立持疑未定以事語濬母潘淑妃潘淑妃以告劭劭勃凶乃煞帝

于合殿劭即位也

立武陵王駿是為孝武皇帝文帝第三子也

崩立太子業是為前廢帝帝凶

崩立湘東王彧是為明帝帝文帝弟

州刺史晉安王勳尋陽王崩立太子昱是為後廢帝帝在位凶勃常欲殺揚

子房等並舉兵反皆征平崩立順帝准是為順皇帝明

女嬖報已王劭則先与王夫通謀王夫侯帝眠熟遂斬之送首与齊王蕭道成也

遜位于齊蕭道成凡八代六十年齊太祖高皇帝諱

道成姓蕭氏東海蘭陵人也為輔國將軍宋明帝

初會稽太守尋陽王子房反在東諸郡起兵徐州

刺史薛安都據彭城歸魏遣從子索兒攻淮陰

晉安王勛遣臨川內史張淹自鄱陽道入三吳帝

並討平之使鎮淮陰七年徵還都宋明帝嫌帝非人臣相而人間流言帝為

天子愈以為疑帝初見徵部下勸勿就徵帝曰主上自誅諸弟為太子幼弱作乃歲後計何閔他族唯應速發緩當見疑骨肉相殘自非靈長之運

禍難方興與至拜常侍明帝崩遺詔使與袁粲共掌機

事江州刺史桂陽王休範舉兵反帝討平之初範舉兵朝廷

惶駭帝與褚彥回集中書省計議莫有言者帝曰昔上流謀逆皆困淹緩以敗休範必速懲前失輕兵急下乘我無備請頓新亭以當其鋒因索筆

下議餘並注同乃單車白服出新亭築壘未畢賊騎交至乃單車白服出新亭築壘未畢賊騎交至乃解衣高卧以安眾心竟破之也

中領軍蒼梧王深相猜忌帝畫卧裸袒蒼梧王率數十人直入領軍府立帝於宮內畫腹為射

的自引滿射之左右王夫因諫曰領軍腹大是佳射棚而一箭便死後無復射不如以髀箭射之一箭中臍蒼梧投弓於地也常語左

右陽玉夫伺織女度報我是夜七夕玉夫懼取千

牛刀殺之玉夫與王劭別通謀殺蒼梧賈首送領軍府報帝帝行戎服夜入殿中明旦召袁粲等計議粲欲有言帝鬚鬚盡張

眼光如電劬則拔刀跳躍麾眾曰天下之事皆應決蕭公敢有開一言者深劬則刀乃自取白紗帽加帝首今即位曰事須及熱帝正色曰卿都不自解也

帝乃迎立順帝荆州刺史沈攸之反帝討之初攸之稱太

袁粲劉秉等見帝威名曰盛不自安與攸之通謀舉事殿內帝命王劭則於殿內誅之進位相國封齊公備

九錫策曰朕以不造夙罹艱凶嗣君失德書契未紀厥海五行虔劉九族神歇靈澤海水群飛綴旒之殆未足為譬豈直小苑興刺黍離作歌

而已哉天贊皇宋實啓明寧爰登寡昧纂承大業高勳至德振古絕倫雖保衡翼殷博陸匡漢方斯幾如也今將授公典禮其敬聽朕命乃者袁粲搆禍

寔繁有徒子房不臣稱兵協亂願瞻官掖將成茂草言念邦國剪為仇讎當此之時人無固志公投袂徇難超然奮發登戎車而戒路報金版而先駟麾鉞

一臨凶黨亦泮此則霸業之基勤王之始也安都背叛竊據徐方敢率犬羊凌虐淮浦索兒愚悖同惡相濟天許無勇背順歸逆北鄙黔黎奄陸塗炭公受

命宗社精貫朝日擁節軍門氣踰霄漢破釜之捷斬馘蔽野石梁之戰梟其渠帥保境全人江陽即序此又公之功也張淹迷昧不顧本朝爰自南

區志圖東夏潛軍間入竊覲不虞于時江服未夷皇途存阻公忠義奮發在險彌亮以竊制眾所向風偃朝廷無由不願之愛聞越有來蘇之望此又公

之功也匈奴野心侵掠疆場醜羯併張勢振彭泗公奉辭伐罪戒且晨征兵車始交氛稜時蕩弔死扶傷弘宣皇澤俾我淮淝復沾盛化此又公之功也自茲厥後
獫狁孔熾封豕長蛇重窺上國而世故相仍師出已老角城高壘指曰淪陷公眷
言王事發憤忘食躬探甲冑視險若夷分疆畫界開創青兗此又公之功也柱陽負
衆輕問九鼎裂冠毀冕拔本塞源烈火焚于王城飛矢集乎君屋群后憂惶元戎
無主公挺劍凝神則奇謀不世把旄指麾則懦夫成勇信宿之間寅陽底定此又公之功
也蒼梧肆虐諸夏糜沸淫刑已逞誰則無辜黔首相悲朝不謀夕高祖之業已
淪文明之軌誰嗣公遠稽彤漢之義近遵魏晉之典猥以眇身入奉宗社七屆清謐
九區反政此又公之功也素劉携貳成此亂階醜國潛構危機密發據有石頭志
犯應路公神謨內運霜鋒外舉拔弥載澄國途悅穆此又公之功也沈攸包禍歲月滋
彰蜂自并替阻兵安忍乃眷西顧緬同異域而經綸惟始九伐未申長惡不悛遂逞凶
逆公杖鉞出關疑威江甸正情与皎日同亮明略与秋雲竟爽至義所感人百其心
積年逋誅一朝顯戮湘浦安流章基順軌此又公之功也公有濟天下之勳加之以
明慈道庇生靈志匡宇宙戮力肆心劬勞王室險阻艱難備嘗之矣若乃締構宗
社之動造物資始之澤雲布霧散光被六戎弼余一人永清四海
海遐方款關而慕義共服重譯而來庭汪我邈乎無得而名之

位于齊甲午即皇帝位於南郊柴燎告天
日皇帝臣道成敢用立社昭告于皇

皇后帝夫肇自生靈樹以司牧所以闡極則天開元創物肆涉大道惟命不于常昔在
虞夏受終上代粵自漢魏捐讓中葉咸煥諸方冊載在典謨水德在微仍世多故寶
賴道成匡救之功以弘濟于厥難大造顛墜再構區宇誕惟天人因弗和會迺仰協婦
運景屬与能用集大命于茲舜德匪嗣至于累仍而群公卿士庶尹御事爰及黎獻暨

千百戎金曰皇天眷命不可以固違人神無統不可以曠土畏天之威敢不祗順鴻
歷彰簡元辰虔奉皇符登壇命禪告類上帝以答人衷式敷万国惟明靈是饗

禮
畢備法駕幸建康宮臨太極前殿大赦改元建元四年

崩立太子蹟
是為世祖武皇帝也
崩立大孫昭業
是為鬱尉林王即位無道武帝梓宮下諸帝於端門

內奉辭輶轅車載入閣即奏胡伎高宗欽之
崩立弟昭文
廢為海陵王也
廢立西昌侯鸞
是為

高宗明皇帝始安貞王道生子也即位亟行誅戮且寢疾經年預為梓宮之故地高武諸子掃地無遺也
崩立太子寶卷
是為

東昏侯即位凶暴以金花帖地令潘妃行上曰此步步生蓮花也又於苑中為市自為市吏以潘妃為市令義師至為左右所殺也
崩立和

帝寶融
明帝第八子也
以位禪梁
先是文惠太子与寸人共賦七言詩句後輒云愁和帝是驗矣東昏侯官裏

作散髮髻反根向後東昏時天下散髮矣又立帽窻其口而舒兩翅名曰鳳渡三橋裂裙向後摠而結之名曰反縛黃鸝梁志宅在三橋而鳳渡之鳳翔之驗也黃鸝者皇離也而反縛之東昏戮死之應也先是百姓及朝士以帛填冢名曰假兩假者非正名也儲兩服之明不得真也東昏誅子廢為庶人諸兩之意也

梁高祖武皇帝石衍姓蕭氏為巴陵王法曹後為

晉陵王子良八友
初皇考之薨不得志及至鬱尉林失德齊明帝作輔將為廢立計常欲助齊明傾齊武之嗣以雪

心取齊明亦知之每與帝謀時齊明將追隨王恐不從又以王勣則在會稽恐為變以問帝帝曰隨王雖有美名其實庸劣既無智謀之士爪牙唯仗司馬垣歷生武陵太守卞白龍耳此並唯利是為若啗以顯職無不載馳齊王正須掛簡耳勣則志安江東窮其富貴宜選姜女以娛其心齊明日吾意也果如其

策魏將王肅攻司州帝破之以功封建康郡男齊明帝

山崩東昏即位遺詔以帝為都督雍州刺史東昏時劉暄等六人更直省

內分曰帖勅世謂六貴又有御刀等八人号曰八要皆口擅王言權行國憲帝謂王弘策曰政出多門亂其階矣當今避禍唯有此地勤行仁義可坐作西伯

但諸弟在都恐罹時患也須與益州置之耳時上長兄長兄懿被害帝

起義召僚佐集於廳事告以舉兵是日建牙先是東昏以劉山陽為巴西太守使過荆州就行事肅穎曾以襲襄陽帝知兵謀乃遣王天武

詣江陵遍與州府人書論軍事天武發帝謂弘策曰今日坐收天下矣荆州得天武至必惴惴無計若不見同取之如拾芥耳斷三峽據巴蜀分兵定湘中

便全有上流以此威聲臨九派斷彭蠡傳檄江南風之靡草不足比也政小延引日月耳江陵本憚襄陽人加唇亡齒寒必不孤立寧得不見同耶以荆雍之兵掃

定東夏韓白重出不能為計况以無算昏主役御刀應勅之徒裁及山陽至巴陵帝復令天武賣書與穎曾兄弟去後帝謂張弘策日用兵之道攻心為上攻城

次之心戰為上兵戰次之今日是也近遣天武往州府人皆有書今假只有兩封與行事兄弟云一具天武口及問天武口無所說天武是行事必齊彼聞必謂行

事兄弟共隱其事則人人疑山陽惑於眾口判相嫌哉二則行事進退無以自明是馳兩空函定一州也山陽至江安果疑不止穎曾乃斬天武送山陽信之至荆州

馳入城將踰國懸門奮發折其軀投車而走陳秀拔戟逐之斬于門外穎曾即遣驛使傳首于帝仍似南陽王尊号之議來告曰時不利當須待來年二

月帝答曰今坐甲十萬糧用日竭若須兵十旬必生悔矣且太白出西方仗義而動天時人謀有何不利昔武王伐紂行逆太歲復須待來年耶帝不從乃赫然

大号伐申帝發自襄陽帝留弟守襄陽城謂曰當置心襄陽人腹中推誠信之勿疑也天下一家乃當相見也

郢魯諸城及諸將並降初東昏遣吳子陽十三軍救郢州進據巴口帝命王茂潛師襲加湖子陽竄走眾

盡溺于江郢魯二城相視奪氣先是東昏使陳伯之鎮江州為子陽聲援帝謂諸將曰夫征討未必須實力聽威聲耳今加湖之敗誰不龍服陳武牙即位

之子狼狽奔歸彼人之情當凶懼我謂九江可傳檄而定也因命搜所獲俘囚得伯之憧主蘇隆之厚加賞賜使致命焉魯山城郢並降伯之及子武牙見

帝至並東王午帝鎮石頭命眾軍圍六門衛尉張稷斬

東昏以黃油裹首送軍帝命召僧勒兵封府庫及圖籍收潘妃誅之以宮女二千人分賚將士也平

京邑齊和帝即位禪梁帝即位太清元年齊司徒侯

景以十三州內屬侯景景反至京師幽帝而山崩天監中釋寶誌為詩

曰昔年三十八今年八十二四中復有四城北火酬帝封記之帝三十八侯景

剋建鄴八十三遇火災元年四月十四日同秦寺火災皆如其言此之謂也

立武帝太子綱為帝又為景所殺追尊為太宗湘東

王繹於荊州使王僧辯等平侯景傳首江陵僧辯

進曰今眾以今月戊子惣集建康分勒武林百道同趨車轉然大潰群兒四滅伏惟陛下咀痛茹哀嬰思憤酷自紫庭絳闕胡塵四起掖垣好時異馬雲屯豺狼當路非止一人鯨鯢不梟經載矣天威既振冤耻並雪百司岳牧仰祈宸鑒咸以錫珪之功既歸有道當辟之禮允屬聖明而優詔謙冲杳然凝邈飛龍可躋而軋文在四帝閣云叫而問闔闔未開謳詞再馳是用翹首豈可久稽群議有曠彝則也景子湘東王即位于

江陵是謂孝元皇帝魏使萬紐于謹來攻梁王華肅營率

眾會日之帝見執魏人戕帝初武陵之平議者欲因其舟艦遷都建

王氣已盡諸宮洲已滿百於是乃留尋而歲星在井熒惑守心帝觀之慨然謂朝臣曰吾觀立象將恐有賊但吉凶在我運數由人避之何益尋為魏軍所逼城陷見執進土囊而殞之古老相傳云洲滿百荆州出天子相立為荆州刺史內懷逆意乃遣鑿破一洲以應百數隨而崩破竟無所成宋文帝為宜都王在藩一洲自立俄而文帝篡統太清末柏江揚閩浦生一洲明年而梁元帝立承聖末其洲与大岸通也江陵既陷王僧辯陳

霸先等議立帝子方智是為恭皇帝於江州奉迎至

建鄴即位太平二年禪位于陳高祖武皇帝姓陳

氏名霸先吳興長城人也梁武帝時為直閣將軍

侯景反高祖率所領與侯景大戰侯景敗死湘東

王即位授南徐州刺史還鎮京口承聖三年西魏攻

陷西臺高祖與王僧辯立晉安王進帝位司空僧辯

又與齊氏和親納貞陽侯高祖數日嗣主高皇之孫元皇之子竟有何辜坐見廢黜立見非次此情可知也

高祖以為不義潛師龍衣王僧辯於石頭剋之是夜

謚僧辯貞陽侯遜位晉安王復立徐嗣徽北引齊師

遠蕭軌等四十六將濟江至莫府山高祖並破之進

帝位丞相進爵為陳王永定三年梁帝禪位於陳

三年

熒惑守心

上崩

時上長子衡陽王昌為質於周乃立弟子蒨

立高祖弟始興列王長子蒨也

是為世祖

崩立太子伯宗

廢帝

廢立項

是為高宗宣皇帝始興列王第二子也

朝立太子叔寶是為長城公也叔寶在東宮好學

有文藝及即位耽酒色

左右佞嬖珥貂者五十人婦人美自麗服者千餘人常使孔貴妃等八人夾坐江懸孔

範等十人預宴号曰卿客先令八婦人縷綵綵綵製五言詩十客一時繼和堤則罰酒君臣酣飲從昏達旦以此為常也

隋文帝初

受周禪甚敷鄰好宣帝崩遣使赴弔脩敵國之

禮書稱名頓首而後主驕奢書曰未云想彼統內

如且此宇宙清泰隋文帝不悅以示朝臣賀若弼揚

素等以為主辱再拜請罪並求致討文帝曰我為人

父母豈可限一衣帶水而不拯之乎命作戰船

人請密

曰吾將顯行天誅何密之有使投

以晉王廣為元帥督八十

管以致討

初隋師送爾書暴後主惡三十紙通喻江東諸軍既下江鎮

在此齊兵三度來周兵再度至無不摧沒虜勇今來必自敗縱酒作詩不輟隋軍

或進拔姑孰或斷曲阿之衝乃下詔曰大羊凌縱侵竊郊畿蜂蠆有甚且時

韓擒虎入自南掖門

文武百官皆遁出擒後主

隋師之入也僕射袁憲勸端坐殿上

自有計乃逃於井隋軍人以繩引之羈其太重乃與張貴妃孔貴人同東而上

隋文帝聞之大驚鮑宏對曰東井於天文為秦分今王都所在投井其天意也

晉

王廣入據臺城送後主于東宮已後主與王公百司

發自建鄴之長安及至京師列陳輿服引後主及

王公使宣詔讓後主後主雀息不能對封長城公

隋文帝東巡登芒山後主侍飲賦詩曰日月光天德山河壯帝居不平無以

報願上東封書及出隋文帝目送之曰此敗豈不由詩酒將作詩功夫何如思安

時事 至仁壽四年終於洛陽 先是齊山衆鳥鼓翼撫膺曰奈何

足集其庭殿以背畫地成文曰獨足上高臺感草化為灰欲知我家爰朱
關當水開解者以為獨足言後主獨行無眾盛草言崇穢隋承火運草得
火而交及至京師家於都水臺所謂高臺當水也有會稽人史溥曾夢著朱
衣人武冠自天而下以手執金板溥往看上文曰陳氏五主三十四年陳亡果如
夢梁未童謠云可憐巴馬子一日行千里不見馬上郎但見黃塵起黃塵汚
人衣皂英相料理及僧辯滅群臣以謠言奏言僧辯本乘巴馬擊手侯景馬上
郎王字也塵謂塵也而不解皂英之謂既而陳滅於隋說者以為江東謂殺
羊角為皂英隋氏姓楊揚羊也言終滅於隋北齊未諸省官多種省主主
將見省也則知興隋高祖姓楊氏名堅周武帝初為隋

立靖帝進爵為隋王遂禪位焉改號開皇元年
州刺史女為太子妃周宣帝立拜為大司馬宣帝崩

九年平陳廢太子勇為庶人立孟日王廣為皇太子
高祖崩太子即位是為煬帝煬帝無道盜賊蜂起十三年

幸江都李密設壇於鞏自署為魏公密遼東人蒲山公
寬之子也少儻
有大志常有思亂之心與揚玄感為刎頸交玄感以勢凌之密怒曰使機兩
陣之間啞啞吐曉三軍披靡邀功一時密不如公若涉彼長途馳策賢俊使

各申其用公不如密豈可以一階一級而輕天下士大夫耶及玄感反密歸之
為其謀主後玄感敗密變姓名奔翟讓讓立密為魏公開幕府置僚屬凡
十餘人伊木歸都據夏州劉武周殺太原留守王恭舉

兵反實建德自號夏王朱粲自號楚王劉元進據
吳都煬帝聞群賊起大懼使馮慈明徵兵東都

帝煬
聞盜賊蜂起召群巨問之皆曰此鼠竊狗盜何足以憂侍御史韋德裕
曰今海內土崩綱紀大壞而內史侍郎處吳世基御史大夫裴蘊等阿媚陸

下隱秘不言所謂積薪已燃宗廟必不血食矣周書曰綿綿不絕將成江
河陛下勿以諛言不以介意乃詔馮慈明詣東都徵兵將以討密為徵選所獲
歸之李密密聞慈明至大悅謂慈明日皇天無親惟德是輔主上壽祿四海

天下咸知密糾合蒼生思平宇內熊羆之士百万有餘據穀倉之粟帶成阜之
險干戈精練甲冑堅貫史東海可西流躡太山可東倒以此禦敵何敵不摧
以此攻城何城不陷東都危急不日將降幸少留意同建功名慈明日蒲山

公策名先帝位極朝端明公不思造我之恩翻懷反噬之志弃皇隋之大德
即象感之頑置惡積禍盈敗不旋踵網漏吞舟至于今日昔巨君以天下之
眾弊於光武震仲以江左之師窮乎明帝明公以烏合之卒不越數千狼
顧鴟張強梁村鳩唯德是輔公何預焉密乃幽之于司徒府慈明密令
人詣東都事詔唐國公諱鎮太原五月甲子唐公舉義

兵遙尊煬帝為太上皇立代王侑為天子行伊霍

故事傳檄天下聞之響應此裴寂所開山計也秋七月唐公

將西出長安仗白旗誓眾於太原之野被甲三萬留

公子元吉守太原義師次霍邑隋武牙郎將宋老

生拒義師時連雨不霽糧運不給又訛言突厥將襲

太原唐公懼命旋師用秦王諫乃止秦王諫曰獨夫肆虐天下崩離狼顧蜂飛跨州連縣

丈夫不得耕耘女子不得紡績故杖劍汾晉舉旆參墟將斬封豕以安萬人戮

如婦今遇小敵便將返沛恐義師一朝解體大事去矣勢不可全還守太原則一城賊耳恐不及旋踵禍變仍生乃止也老生背城

而陣一戰斬之平霍邑諸城皆降唯屈突通鎮河東堅守不下也冬十月義師

次長樂宮衛文昇挾代王乘城拒守十一月平京師

尊代王為天子改之義寧遣使四出問郡縣隨行宮唐公志罷之後宮還其親屬初隋將多侵

百姓百姓患之及義師至秋毫無犯皆曰真吾君矣時煬帝將之丹陽而大臣將率皆

北人不願南遷咸思歸宇文化及因百姓之不堪命

殺煬帝於江都隋室王侯無少長皆斬之立嗣王浩

為天子化及為丞相上曾夢見青衣兒謂曰去亦死住亦死不若乘舟渡江水裴蘊虞基皆南人贊成其事將

率不窮南遷將因會鳩之南陽公主懼殺其首以謀告宇文化及告其兄化及遂反執帝帝曰吾何負於天地而致此乎馬文舉對曰臣聞萬

姓不可無主故立君以撫之是知一人養萬姓非百姓養一人高祖文皇帝粵有下國丕隆大寶除苛政布恩德南滅強陳北威殺虜二十餘年河清

海晏既而弃世升遐陛下即位遠達社稷委弃京都巡遊行幸略無寧歲漕通河洛控引江淮丁壯倦勞苦老弱疲轉餉高頴賀若弼先朝重臣勳

德俱茂薛道衡英華冠世經綸之才咸被非辜卒遭夷戮賢哲之士退諂佞之子昇又頻年討遠征役不息行者不反國用空虛白骨被於原野肝

膽塗於草澤悠悠冤魂有請上帝將假手於人矣及在鴈門取辱戎虜重圍既解理須寧息方更巡遊吳越翱翔上江頭會箕效以供行樂士卒

無短褐後宮散羅綺士卒無糟糠犬馬賤粟肉甲冑生蟻虱戎馬不解鞍拒諫飾非無心反駕遂使九縣瓜分八紘幅裂以天下之富四海之貴一旦弃

之猶曰無罪臣竊為陛下羞之乃默然縊殺之五月戊午天子侑遜位于別宮禪位

于唐都長安

大業末諺曰姚李子供水遠揚山宛在花園裏李唐姓也共水者唐王諱也揚隋姓也花者華不實也園圍也

代王名侑侑與同音同言揚侑雖為帝終於曆數有歸唐王當踐其位也

已已王世充段達等立越王

侗為皇帝於洛陽六月宇文化及自江都至彭城據黎

陽稱許李密率大軍壁清淇敦煌張守一聞密之

拒化及也說越王以討越王不用其策用孟琮計與

密連和

張守一說曰臣聞鴻鵠之融未就冲天之情以萌武豹之文未備食牛之心已成今陛下據全局之地背河面洛帶甲十萬粟支數十年

此霸王之資非待翻成文備之勢也固城自守不以濟世為心何異夫群蟻之

嬰一穴乎竊為陛下不取越王曰若之何對曰三王之興五伯之舉莫不由兵以成

大業故夏啓有甘野之師齊桓起邵陵之衆皆以征討不遠代叛威隱者也

今天下土崩英雄競起為陛下腹心之患者莫過夏魏夏遣師涉河則東都

非陛下之地魏遣師踰洛洛口之粟陛下所有累卵之危無以加也臣聞兵以正

合而以奇勝韓信所以斬成安子房所以降秦也請選精銳之士二萬人守洛陽

三萬人循河而守以備夏寇陛下親率大軍出洛口掩魏之師魏之君臣謂陛下

下從天而至蒼蒼率之間智者不為計矣李密既滅則建德攝氣備守邊疆相

時而動則文皇之業可脩世祖之基不墜越王曰朕新受命人神未附兵革屢

興恐士大夫解體於我守一日陛下以累聖之資繼二祖之業雖夏人之惡焉

德復戴少康漢室之德劉宗重尊光武以今況古彼有慙德況密有可伐

之勢者三何則始密與翟讓同起烏合之衆大業已就密乃殺讓而奪其位

也精銳之卒並拒秦王鞏洛所留悉皆老病乘其虛而襲之必得志矣三也

日奪人之先又曰天時不如地利地利不如人和陛下兼此三事又居之以先

無不克矣王將從之孟琮曰化及率思婦之衆其鋒不可當李密英雄勇略

不世非密無以滅化及且龍表之不得復生一化及臣請說以利害示以大節使

為元戎以除凶殺徐議其後未為晚焉王曰善孟琮東說密曰明公以烏合之卒

密迹王城罕慕德之人無山澤之固兵法所謂四分五裂持所忌焉今東有化及

之師西有東都之衆東拒化及則王師襲其後東都而不行則化及之師日至於

是六軍出洛口化及下武牢誠恐不暇轉旋敗亡已及今皇帝世宗成帝之子

世祖明帝之孫也以累世之資當樂推之運士馬百萬據有舊都宇文化及懷

音農間親行梟鏡主上枕戈待旦將卒皆力待明將軍誠能率先啓行誅

鋤兇暴則有盤石之安無累卵之危也晉文捨斬祛齊桓置射鈎况主上聖哲

自天寬和容衆將軍勿以疇昔之失過望於皇帝也孤裘羔袖將軍揮馬密

初聞張守一之謀大懼及琮至大悅使記室李儉朝越王大悅拜密為太尉魏

公李密無東都之慮盡銳攻化及破之密自敗化及

之益以驕傲越王命王充擊密密山不用祖君彥計

密師敗績遂西奔京師尋謀叛殺之

王世充之擊李密也密會群寮議之

密會群寮議之

密會群寮議之

密會群寮議之

密會群寮議之

密會群寮議之

密會群寮議之

密會群寮議之

密會群寮議之

密會群寮議之

密會群寮議之

密會群寮議之

密會群寮議之

密會群寮議之

裴仁基日世充今志銳而至洛下必空但堅守其要路無令得東而已以
錢卒三万循河曲西上示逼東都東都必急世充必救待其至洛然後還軍
如此我有餘力彼勞奔命兵法所謂彼出則歸彼歸則出數戰以疲之多方
以誤之也密日公知其一不知其二今世充之兵不可當者三兵仗精銳一也決計
深入二也食盡求戰三也我但乘城固守蓄力待時彼欲戰不得求走無路
不盈十日世充之首可致麾下諸君以為如何如單雄信日以樂戰之兵當思歸之
卒食飽不敵戰必剋矣祖君彥曰不可夫師曲為老師正為直曲則為飢直則
為飽世充挾隋室之威不可為曲主公以逆為名不可謂直裴光祿之謀一時之上
也主公之策久之上也單將軍之言滅亡之下也天物不兩大勝無常資故慶
者在閭弔者在門誠恐乘於化及必殆於世充請察甲息兵俟時觀豐世充
志大而體強心勇而多悍悍於自伐必有異圖不盈數年禍將作矣然後
仗順而舉應天順人嵩岳為城洛水為池武臣勁兵經略於水文吏儒士守之
於內孰與邀一時之功墜万全之業欲取之先與之將弱之必強之欲取而不
與必受天咎將弱而強必受天殃願王公姑與之而強之我承其弊以全制其後
無捷矣密曰智哉欲不戰王伯當單雄信曰天下安樂百姓無事稱文采
墨從容於廟堂武不如文四海沸騰英雄竟起角帝圖王蕩清氛祲文不
如武各有其時不可廢也越王淫虐之餘天厭之久矣且天命不常能者伐
之何曲直之有請以定亂屬武臣制治屬文吏今日不戰則大事去矣密遂用
單雄信策合戰密師敗績世充乘勝趨洛口密左長史邴元真以倉城卒
密奔武牢不敢入北渡河遂奔唐初王伯當與單雄信徐世勣俱為密將軍
中号为三傑故

密信之而戰 大唐武德二年王充殺越王侗於洛陽僭

稱尊号隋氏滅矣

梁時沙門寶誌為書曰牽三來就九索虜下殿走意欲東南遊厄在彭城口今茲三月

江都童謠曰江水何冷冷楊柳何青青人今正好樂已復忒彭城牽三就九十二年也太言輸也吳人謂北人為虜江都而有彭城村村有彭城水上引其水入西閣之下果於此被執初上在江都聞英雄竟起皆曰此乃狂賊終無所成及聞義師起上方則驚起曰此得之矣揚廣博覽多聞而不知李諱為天子安用聖為撫心而歎久之論曰于寶稱帝王之興必俟天復卧曰王者不死天自成人也

命苟有代謝非人事也堯舜內禪體文德也漢魏外禪順大名也湯武革命應天人也高光爭伐定功業也各因其運而得天下隨時之義大矣哉范曄曰自古喪大業絕宗禋其所以致削弱禍敗者蓋漸有由矣三代以嬖色取禍嬴氏以奢虐致災西京自外戚失祚東都緣閹尹傾國成敗之來先史商之久矣自秦漢迄于周隋觀其興亡雖亦有數然大

捭得之者皆因得賢豪為人與利除害其失之也
 莫不因任用群小奢汰無度孔子曰以約失之者鮮
 矣又曰遠佞人去僻惡有言哉昔秦王見周之失統喪權於諸侯遂自恃任人不封立諸侯
 及陳勝楚漢咸由布衣非封君有土而並滅秦高祖既定天下念項王從
 函谷入而已由武關到惟脩閑梁強守禦內充實三軍外多發屯及
 王翁之奪取乃不犯閑梁而坐得其要王翁見以專國秉政得之即抑
 帝臣收下權及其失之又不從大臣生焉更始見王翁以失百姓心亡天下
 既西到京師恃人悅聲則自安樂不納諫臣赤眉圍其外近臣反於城
 遂以破敗由是觀之夫患害非一何可勝為防備哉賈誼曰夫事有招禍
 法有起姦唯置賢良然後無患耳

長短文經卷第四

長四

三二



